

三孔先生清江文集卷二十三

金部郎中孔平仲 毅父

律詩

初三夜作

曉色漫、看雪下溪流脉、見潮生船窓靜坐無賓
客樽酒相從只弟兄會合都來能幾日留連遮莫到
三更何如徑就舟中宿岸斗深泥不可行

再用元韻

小舟衝雪魚新買濕菰吹煙火旋生一笑兼留青眼

客半年不見白頭兄。厭劇飲壘頻。恥衰高談僕
屢更。故使移舫相近。住幾番。潮信不能行。

十夜作

決、積水遠。亭基月白。風清夜坐時。轉柁開船。即千里。祇應重到。解相思。

真州元夕

擾、州城一彈丸。燈光踈冷。月光寒。杖竹猶恐人相識。紫褐圓條著道冠。

游江寧天慶觀。久視軒見梅已落。有寄常父兄

記得東齋折小梅。數枝寒色未全開。江上別來今幾日。暖風吹。逕雪成堆。

造王館公弟馬上作

濯、春容在柳梢。野梅相壓吐香苞。日邊明晦雲無定。雨後寒暄氣欲交。抱蕊懸蟲猶帶壘。銜枝飛鳥已營巢。高懷不愛三公府。白水青山滿近郊。

呈館公

礪溪草野亦初閑。去逐功名遂不還。豈有太平辭將相。却來高卧對湖山。真心真出三千界。注想長虛第

清江文集 卷二十三
一班瑀：朱門舊時客，冒寒衝雨到郊關。

元子發龍圖以程公詠三園詩見示亦成一篇
名園有一已堪誇，勝事三園屬一家。杖策可游緣近
宅，得春最久為多花。人居玉府真仙格，地占錢塘最
物華。見說江湖堂更好，烟波清興浩無涯。

題姑熟堂

青山便是玄暉宅，采石相傳李白墳。誰使浪仙來此
住，姓名輝映少知聞。

戲寄葉縣黃魯直

西山曾夢巫山雨，南浦常迷洛浦珠。古縣寂寥官况
冷，不知還憶舊觀無。

贈武科胡七

三尺青蛇丈二矛，岷然來應武科求。東南近出人才
美，西北當寬帝顧憂。戰馬夜嘶榆塞月，征衣寒犯玉
關秋。古今將相皆無種，好取班超萬里侯。

和常父

平生苦厭家為累，今日應如痛定人。羣婢喧譁寧復
有，孤燈蕭灑自相親。溫尋簡策評三豕，點綴文章學

受辛誰謂丹楓會愁客深秋清思滿江濱

喜經父閣試第一

決起南溟近北辰風雷含蓄待經綸殿前欲奏三千
字閣下先為第一人擢等定如唐處厚封侯終似漢
平津應嫌有弟真癡絕抱甕區、 苦辛

喜經父制策第一

過閣程文推首出臨軒親策復先鳴大科江左未嘗
有此事吾家真最榮獨步以才高宇宙橫飛不日到
蓬瀛翩、斥鷃蒿萊下豈識鵬搏九萬程

親策賢良第一番吾家羽翼蔚高騫當時棄祿嫌民
掾此日登科勝狀元四海望風期將相三親聞榜慶
兒孫台州已有公台北預約當行必踐言

初食鱸魚羹蒿

魚從網師得蒿自麥田求斫鱸嘗鮮美調羹亨滑柔
江南見春物野決助晨羞人各甘香味鱸蓴未易侔

題夏大初丈高居

入門已可愛庭戶復清陰更有池臺遠相連花木深
山川供隱几風月伴抽簪七十鬚渾黑知公但養心

萃勝亭

蕭灑東堂 思尋一徑上幽亭天生喬木為歌
蓋地借群山作畫屏有志休官頭未白多情好客眼
偏青知公故欲來高處目送飛鴻在杳冥

滕元發池州蕭相樓

相國當時此建旄正如今日擁三刀規摹忽起凌千
尺意 相期在一陶柱礎下連坤軸壯簷牙斜插斗
杓高觀公磊落真人傑莫向江山賦楚騷

再賦蕭相樓

廊廟之才守一州暮年名位等鄙侯簪纓七葉皆當
軸棟宇千章為起樓撫事蕭條人已遠臨風慷慨意
相投期公便握機衡去留取餘光照斗牛

哭張子禮

漾檝貴池郡傷心甘澤園笑言成死別風味想生存
花木春無主蒿萊晝掩門尚思歌舞會此語為招魂

出郊

田下泉鳴春雨晴新秧無數已齊生一年農事從今
始會見西風玉粒成

松花

曾聞高節冒冰霜三月開花滿路香
虱鬣龍鱗今老大學他挑弄 輕黃

蓮葉

蓮葉田田出水齊清香已有曉風吹物華
光景人誰覺便是花開結子時

清暉館

湖山秀氣合庭榭綠陰初吹臘新嘗酒
鳴榔旋取魚青規諫官疏丹轂使臣車
醉尉無儀檢將軍莫怪渠

花望之弄璋亭

開亭高峯島來客慶桑弧屢種藍田玉
新還合浦珠海邊桃子結天外鳳生雛
莫笑軒楹陋高門即似予

西軒

新作朱門向水開雖臨行路少塵埃
久藏勝境因人發盡放青山入坐來
樹影轉簷基未散荷香飄枕夢初回
晚年事皆疎懶賴得閑官養不才

夏晝

落花寧是穢啼鳥不為喧野水從侵道
青山任塞門

清江文集 卷二十三
吏身閑似隱官舍靜於村開卷何嘗讀風來只自翻
和唐林夫游家園

荒園忽報枉高旌旋設屏帷當小亭重復江山天外
遠回還松竹坐中青勸斟美酒壘頻恥看跋名書墨
尚馨莫笑區、身未退待公鵬擊我鴻冥

庾樓

高城枕浩渺層、壓崔嵬路繞清陰上山分爽氣來
天低風動幕空迴月浮杯遠眼征帆盡涼襟細雨開
行人望蓬島游客比春臺豈獨登臨勝扶傾不易才

夏夜

小雨初收深夜涼杖藜徐步立回塘一天星月清人
意四面芙蓉遺我香大隱嘗聞在朝市昔人何必濯
滄浪應官粗了心無事便是逍遙物外鄉

種花口號

幽居裝景要多般帶雨移花便得看禁奈久長顏色
好繞堦更使種雞冠

蜀葵萱草陳根在金鳳雞冠著地栽併作暑天庭戶
景深叢叢時見一花開

池上

汲水添池：已深小魚無數亂浮沉綠萍荷葉皆涼
冷更庭柯百尺陰
群魚散漫吸新水好鳥間關啼翠陰悠然物我俱自
得一霎南風吹我襟

桂堂

團：濃綠隔窗紗曾見叢生瘴海涯太守作堂真好
事謫仙題榜更增華孤根直節非今日秀氣清香自
一家氣候人間應較晚月中子落此開花此桂八月
花始盛開

通判成郎中生日人

送香合壽星皆不受獨

以詩獻

和似陽春靜似山謳謠千里祝公年暫留卑濕江城
地且應館長夏景天盛德自當增壽考高才行且復
藩宣香奩畫軸知無用只有詩篇不直錢

詩致卓道士靈座

陰陽藻鑑兩俱優落：高談氣自秋仙馭晚留山水
國客星曾入帝王州却乘眇莽歸三島空葬衣冠付
一丘作頌馳書謝人世知君平昔悟浮休

次韵王通叟

春生湘浦即當還窮覽雲山得據鞍灑落文章終不
俗後容談笑尚能歡千金駿馬將辭主一曲胡琴遂
掩棺世事相因古如此誰知魯國累卹鄆

夏日甘寢

迴風動水葉細雨濕蛛絲心下無閑事人間有此時
微涼紗半卷幽夢角徐吹此興惟吾解兒曹莫使知

晚興

驟雨行荷葉嘈々如語言高齋正薄暮宴坐不知喧

極靜開心地新涼入鬢根交游何用絕自罕到吾門
張子明自廬山歸云十五夜桂子落于太平觀
鄉人謂之大熟子豐年之兆也

誰撼月中丹桂枝墮塔圓寔似珠璣山中道士拾不
盡湖上仙人携得歸半夜香風飄澗壑一時甘雨徧
郊圻與公寄籍皆江國且喜田園歲不飢

寄康林

北音融結本輕清欲學含糊想未能晚節絃歌應自
笑終朝簿領更相仍九江土壤多卑濕三伏雲氛正

鬱蒸宴坐知君無暑氣風標自敵玉壺冰

詠蜀葵

綽約佳人淡薄粧天真自恃不熏香低頭無語嬌尤甚更著新翻淺色黃

詠荷花

一花一葉自相連待得花開葉已圓應為施朱嫌太赤故將嫩綠間嬋娟

晚興

展簾當簷卧微風送晚涼雲移自徐疾蕉舞更低昂

結網蛛縈足歸巢鳥亂行支離聊度日那復論行藏

送吳全甫中舍倅無為

海沂歌舞待王祥喜得淮南一道堂軍號無為已閑暇地連秋浦更清涼進趨勉心應懶退食優游策最長我住廬山欲招隱為君先去種松篁

晚涼

晚涼睡覺欲何之散步徜徉曲沼西更上曹亭望江水盡船都樣白龍堤

晚涼睡覺坐前軒悄寂無人供語言近見南山片雲

起滿塘荷葉雨聲喧

賦程氏雲菴

蕭然隱几坐終日白雲間觸石未全起無心聊與閑
幽篁相映帶絕頂有躋攀最稱侵寒望淮南雪滿山
常父相率作吳丞相挽詞

久勸調羹手新尋辟穀方謂還周袞繡重補舜衣裳
忽報中台折同嗟一鑑亾森然棟梁氣今此掩黃腸

又

鳴玉東西府藏舟辰巳年鹽梅指鼎實箕尾返星纏

陰德元豐政遺書太史編後人瞻髣髴圖像在凌煙

霜夜

寂歷簾櫳深夜明睡迴清夢戍墻鈴狂風細雨已何
處淡月籠雲猶未醒早有秋聲隨墮葉獨將涼意伴
流螢明朝準擬南軒望洗出廬山萬丈青

晚望

秋江水自壯更值雨霧沓落日增野興連天吹細波
城依盆浦近舟傍柳湖多吾已忘清濁安知孺子歌
禾熟三首

清江文集 卷之三
講習堂
百里西風禾黍香
鳴泉落竇穀登場
老牛粗了耕耘
債齧草坡頭臥夕陽

豐年氣象慰人心
鳥雀啾嘲亦好音
玉食兒郎豈知
此田家粒：是黃金

雨足川原還驟晴
天心斷送此秋成
穀收顆：皆堅
好想見新炊照盃明

深夜

閨寂方深夜
清涼別一天
臨風但獨立
愛月不成眠
戍漏傳敲小庭柯
轉影圓露寒
侵背側移榻近堂前

和朱君况卜居

吾身當老此園中
世路崎嶇幾萬重
且飽稻粱隨雁
鷺盡將雲雨付蛟龍
求閑有志終須得
招隱何人肯
見從且為莆田朱處士
比隣先種七株松

和項元師見遺柳書

古今諸柳孰為強
矯：誠懸術最良
自富詩才堪繼
憚兼深儒學有如芳
當時屢獻箴
規益末世惟傳翰
墨光石刻見貽真
雅賜崢嶸筆力有餘剛

雞冠花

清江文集 卷之三 講習堂
萌芽澆灌已成叢一一深紅間淺紅偏近黃昏顏色
好分明秋景盡圖中

睡起

睡起西風掠鬢輕蕭然庭院晚寒生浮生便作飛鴻
意細雨仍兼落葉教物不求餘隨處足事如能省即
心清山林朝市皆相似何必區區隱釣畊

送卽祖仁奉禮

碧落教華蓋世高哀烏才業亦時豪靈淵自出駒千
里丹穴今看鳳一毛方畧從容能處事精神灑落見

揮毫東行想足資清興江上秋風捲怒濤

次韻孫亨甫見寄

進多齟齬退為安未省乘軒勝抱關半世青衫貧為
祿新秋明鏡老催顏紛々江上風吹葉莫々淮南雨
暗山欲和佳篇寄相憶韻嚴詞悄不容攀

唐林夫累惠書字法絕精以詩補之

每承勞問意何窮尤喜真行學頗工蕭散正如君子
性頽頽兼得古人風曾經廷諍毫端直自有家藏硯
色紅雅稱玉堂詞翰手枉留山色簿書中

清江文集 卷二十三
至城南別祖仁未歸約文之不至

送客柳亭晚倚欄秋雨酣風煙滿湖上景物似江南
蕭灑憐神 從容憶手談老來心易析離緒已難堪

對菊有懷即祖仁

薄寒初著袂衣裳日景中分不短長池館虛明開水
石園林搖落受風霜黃花滿檻金盞秀白酒盈樽玉
液香未老不須雲母粉且教絃管奏清商

知郡大博臨宴公字詩以為謝唐林夫在席

春深賢守已忘形肯屈旌旗到小亭坐有嘉賓仙骨

秀門無俗客暮山青薦樽施遣供蔬甲乘菊相隨看
菊齡欲識主人書館淡短檠燈火漆函經

秋夕旅館談禪用元韻呈林夫

義以酬和不願形孤標直節蔚亭、天涯調官頭將
白江上論文眼倍青自性本空觀水月外塵相染喻
風鈴昨宵共說無生話勝讀西來一藏經

林夫訪及書室夜話又用元韻

珠玉相輝媿我形正如朽壤附雲亭宦情已比春雲
薄交義猶期老柏青坐久北窗號過雁談餘荒戍咽

疎鈴知君不厭寒宵景世上風霜已屢經

至城東作

地形磅礴接羗廬曠野人烟乍有無
栖畝稻梁方待穫識家雞犬各隨呼
農耕半嶺如僧衲牧跨羸牛似
畫圖官守投閑省墳柏滿林霜露涕沾濡

出郭二十里依山八九家
茅岡風卷燒土井雨推沙
凍蝶依殘菊幽禽立卧榭
路邊桃李木猶發小春花

惜菊

碧玉枝條手自分
花開晚節最憐君
斜簪短髮能迴

老蒲泛清樽要助醺
著雨半荒猶爛熳
繞欄三嗅倍
氤氳更收殘藥縫為枕
長得好香深夜聞

西齋冬夕

平生疎野得江湖
歲暮西齋擁一爐
雨滴空堦如自
語風吹長木更相呼
世間寵辱收碁局
樓上光陰入酒壺
近日睡時全少夢
攀緣狂想自知無

冬夕即席作

燭滴胡桃淚香蟠春蚓
灰酒花隨煖聚酥藥帶寒開
自有清歌送惟 畫角催隔簾
疑曉色雪壓數枝梅

至日作

年光吹盡任飛灰且慶舒長舉壽杯積晦彌旬三尺
雨新陽半夜一聲雷家人環坐相酬勸賀客先期戒
往來熟醉騰成小睡晚寒更起恥殘壘

小菴初成奉酬元帥

伐竹誅茅挂織蒲半規小榻一方爐不隨健鶻摩空
去且免窮猿失木呼自有琴書增道氣別開世界在
仙壺幽人欲到知何意若說真菴彼豈無

口占

東皇旌節下蓬壺一夕芳菲徧海隅紅破露花將引
蝶綠深煙柳已藏烏異鄉旅食頻年久故國風光共
日殊常是登高牽望眼醉吟今喜在江湖

寄常父

紅蓮綠水本優游清絕東南七寶州見說新書亦多
事每聞公檄少歸休少年共計駒千里末路堪嗟貉
一丘正是江邊桃李月雞鳴度曲寄離憂

和劉江寧韻送天覺同年三首

傾蓋逢吾喜開樽為子斟笑談天下事忠義古人心

戢翼丹霄遠藏鱗赤壁深彈冠行且起朝列遲華簪
二

酒可平孤悶無辭滿、斟劍橫牛斗氣松抱雪霜心
澤國波濤壯春天霧雨深清哀記風采白筆舊曾簪

三

戲挹東溟水期將北斗斟大鵬誰投翼老鶴未償心
卷箔江天靜停檣野岸深晨羞聊一飽荻筍正如簪

寄題蕭升之媵夫竹軒

開軒君子意種竹歲寒心高節凌雲秀孤根得地深

秋暄溪上雨暝宿嶺頭禽預約疏三徑他時伴醉吟
席上送孫知損通直廣東漕

度峽經瀧行路難嶺猿越鳥避旌竿身從日下恩光
暖聲落天南暑氣寒事國以忠寧計遠與人為福莫
如安觀公才大宜高位豈復區、久外官

春晚遣興

紛、柳絮入簾飛正是酴醾花發時斷送日長惟有
睡留連春去可無詩狂鞭迸筍偏當戶綠葉成陰巧
覆墀百舌聲中
脩然鬢任風吹

上巳飲于湖上

城南春已老湖上雨初晴草作忘憂綠風為解愠情
楊花輕欲下菱葉細方生酒影低雲木歌聲伴畫鷺
賞心殘蘂在幽曲小舟橫却笑蘭亭會吟詩半不成

口占

積水深踰丈高林繞若城蝦蟇朝合吹鸚鵡夜傳更
難轉長沙袖空塵孺子纓生涯吾尚闕浥：羨農耕

寄題蕭文照閣

虛明敞高閣清淺對方塘軒冕忘懷久江湖寓興長

紅蕖開細雨白鳥下殘陽不挂人間事逍遙自一鄉

謝郊正甫

當年輦轂參農正今日江湖望歲星冷局自安心有
素故人相後眼偏青幅巾舒散殊官屬華袞騰驤入
帝庭一薦未為門下德荷公敦篤篤好忘形

送周文之主簿

俊逸駒千里孤高桂一枝清才比栖棘餘事付枯棋
小邑今官滿當塗半已知楊鈴發江浦策馬望京師
待詔須金馬支床笑玉龜都塵亦可畏莫遣素衣縑

夏日游湖亭

漫、湖水拍堤浮欲到南亭泛水舟平日登臨如別境後來語笑尚中流採菱斫鯉皆新美賭酒圍碁自獻酬對面火雲高萬丈誰知此地有清秋

倦夜

滅燭恐招蚊迎風罷掩門讀書都已廢就枕益加煩缺月籠煙淡群星帶暑昏徐行得住處荷葉滿南軒與張子明飲湖亭

小艇衝湖過幽亭枕水虛風來荷氣外人在木陰餘

濕印

新酒長菱簇貫魚遙看鶴歸處便是謫仙居

大暑

澤國已炎暑夏天仍永朝炙床爐燄熾薰野水波搖飛鳥不敢度鳴蟬應自焦可憐花葉好顛顛苦霜凋

入山馬上口占

爽、秋光照眼明野香山秀互相迎路穿蒙密無人見天借陰涼助我行小竇濺流如貝玉松風踈韻作韶莖一重一揜塵埃遠故比城中分外清

再用元韻呈熊伯通

一望膺門眼已明欣然倒屣辱公迎林泉作仙人
宅杖屨容叅長者行道論風生揮玉麈渴心塵積飲
金莖匆、短棹依城去連日西齋夢寐清

寄熊伯通

南山九疊勢干霄中有長松蔭寸苗好景常聞太平
觀謫仙更住上清橋風吹石徑秋聲早泉落雲根暑
氣消方外相期蒙雅眷只應心隱不須招

再用霄字韻

豁然披霧睹青霄沛若為霖灑旱苗身逐歸雲朝徭

洞心隨流水暮縈橋人情不用相輕重物理從來互
長消菟業如公合廊廟佇聞尺一有嘉招

初伏夜坐

露坐已侵夜炎威猶未收何言百蟲噪無故一星流
苦渴須漿解微涼以扇求頒冰是今日堆玉想神州

池上作

寐歷人初坐定道遙物已齊夜涼天似水月在小橋西
午眠

雨盪炎天氣風生喬木陰清涼一枕睡勝得萬黃金

早秋

一雨洗煩熯涼風開早秋散行身覺快甘寢夢相求
已作黃花意誰為墮葉愁南山青似染準擬更登樓

七夕

高列瓜華結綵樓半空燈燭照清秋祇應用盡人間
巧更欲遠從天上求

送馬朝請使廣西

海水揚波今合清秋風千里使華行言皆有道非徒
發事若無心更不生談笑從容懷遠俗琴書瀟灑寄

高情佇聞靜勝諸蠻服何必樓船十萬兵

八月十六日翫月

團：冰鏡吐清輝今夜何如昨夜時只恐月光無好
惡自憐人意有盈虧風摩露洗非常潔地濶天高是
處宜百尺曹亭吾獨有更教玉簫倚欄吹

送郭明叔分寧

西安蕭灑我嘗游去自修川泛小舟民本豐饒矜氣
節士多儒雅出公侯梅山晚翠屏當戶茶井春芽雪
滿甌預想弦歌富閑暇白雲深倚鳳皇樓

送提舉太平觀熊舍人

未歸西掖掌絲綸且面南譙作守臣三已何嘗觀愠
色一鳴從此却驚人朱轡暫去求民瘼黃闥行當秉
國鈞記取廬山公舊隱幾多草木待青春

江州幾日到滁州風送征帆暮不收幽谷水聲先入
夢爐峯山色遠隨舟素無公事多閑暇當有新詩自
唱酬寂寞舊居誰復顧桂花深瑣一堂秋

高才喻蜀策携羌凜：威名動四方裁正稷宮新法
度發揮詞掖好文章暫還紫府煙霞冷却上青霄道

路長寄語吏民休浪喜使君寧久在滁陽

熊伯通阻風未發拏舟就謁留飲數杯

清晨已送君南浦薄暮未行天北風此別謂言千里
遠笑談還此一樽同鐵山重疊雲垂地玉馬騰驤浪
駕空涉險臨危須自戒且維舟楫莫匆：

送沈行奉議赴辟陝西

除詔移關陝征途半斗牛落帆江浦月躍馬成垣秋
葱嶺霜吹劔龍堆雪點裘兵家破竹勢幕府湧泉謀
且作從軍樂安知出塞愁觀公頗豐下努力取封侯

送覺茲住鳳山

十年虎谿老却上羗山岑
今回江西去與人傳法音
谷虛聊應物雲出本無心
猿鶴空相怨舊菴松檜深
九月十八日作

秋來常苦熱今日令方行
浩、風吹木冥、雨壓城
薄寒如解愠殘序六闕情
曉鏡須甘老催人白髮生

蘇子由寄題小菴詩用元韻和

官身粗應三錢府吏隱
聊開一草菴擁砌幽篁如月
映覆簷喬木與天參
畏人自比藏頭雉老世今同作
蛹蠶豈獨忘言兼閉息
舌津晨漱不勝甘

陶寺丞挽詩

清德如彭澤高名繼隱居
弦歌非我志泉石愛吾廬
世事冥心外門風積慶餘
魚軒偕鶴髮歸窆引雙車
黃道士求詩戲為口號贈之

黃君有術吾將面不似尋常
問進身二頃良田數間
屋幾時得作一間人

冬晝作

霜陰收欲盡斑駁意初晴
漸喜山將出只愁雲更生

鳥窺晡後屋雞唱午間城
灰拆紅爐火微煎傍耳鳴
十一月

欲雪還成雨垂霜却變陰
封疆五嶺近甲子二冬深
密葉猶低戶微風尚快襟
松筠雜蕭艾都有歲寒心

冬曉

城上猶吹角官廳已罷更
粗疎知我性懶惰亦人情
入被嚴霜冷橫牕半月明
翻身更甘寢雞唱第三聲

正月三日唐林夫舟中醉題

屢伏青蒲地嘗登群玉山
家貧甘遠適詎直得生還

瘴癘謳吟外風波笑傲間
今朝一樽酒萬事付酡顏

四日郡集于景德寺

冷鐸殘香僧舍開斜風細
雨坐中來使君豈是憎歌
舞自出胡琴送酒杯
是日督使者錢公在馬著令
禁樂公家有妾善胡琴彈以娛
賓

馬上口占

澗底泉初動山頭雪尚深
凍條桑破眼燒地草抽心
搖落殊非昔芬菲想自今
浮雲多意思已解作春陰
守倅自開元觀食起欲往紫極宮
道過余之家

園乃屈同游太守自以為能知地形余故議卜
居之處也以詩謝焉

東已窺丹井西將造嘿軒半途留使騎枉道至家園
敗葉深埋砌清陰密擁門生涯為廢宅景物似荒村
經始藏謀拙臨軒肯屈尊竹間煩佇立高誼見公存

據案小睡

春氣已回人困頓雨聲不斷夜潺湲四支退食昏如
醉兩眼看書澀有煙散帙橫經那肯讀埋頭曲肘即
成眠只愁稚子窺吾懶豈畏諸公誚腹便

南軒

細雨紛、不見山卷簾煙 畫圖間一池春水風吹
皺戲鴨鳴鷗作隊閑

戲為難韻同官和之

稚柳將成線殘梅尚有柎破春寒料峭送晚角喑鳴
地僻閑賓榻泥深隔酒壚此時愁寂寞幽悶寄操觚

賈誼

措置由來有後先運行無迹盍觀天色黃數 疑非
急此事知君正少年

子瞻子由各有所寄題小菴詩却用元韻和呈
二公俊軌皆千里兩首新詩寄一菴大隱市朝希柱
史好奇兄弟有岑參雪天凍坐癡于雀兩夕春眠困
若蠶不是本來忘世味便投閑寂亦難甘

久雨不止二月半以勅醮廬山真君殿入夜星
月皎然

連朝苦陰雨入夜月華新清醮今當夕真君信有神
燈光想如晝香氣自生春水旱多為害當思今為民
寄題蕭丈止亭

削迹忘當世開亭枕近郊情非惡冕紱樂不似衡茅
靜看雲歸岫閑知鶴在巢春風動幽興植杖數花苞
春夜

酒醒殘月在西廂悄重城春夜長何物與人清意
思瑞香花發一亭香

和經父寄張績

蕭蕭木落洞庭湖一葉扁舟盡室居吾道已衰投直
筆人情難合卷長裾重輕自繫朝廷勢褒貶猶存史
策書所遇于天皆有分未將鯢鮒羨鯨魚

阻風呈經父

風響翻空若疾雷舟行值此頗淹回坐看鷗鷺浮波
去近見蛟龍帶雨來春色未還江上柳雪香誰寄嶺
頭梅欲收美景陪清唱恨之當時子建才

詠橈

以小能行大天機寄物形汭流最有助深壑屢嘗經
迅速功無比謳鴉韻可聽江空插羽翼水府散雷霆
駕浪來湘浦搖風過洞庭侵凌秋島霧破碎暮灣星
雁鷺驚群起蛟龍睡一醒浩然乘此興東去絕滄溟

詠柁

厥初誰創物似此亦難求擺合千尋浪回旋萬斛舟
行如一卧扇力敵九鼉牛出沒居相半東西勢自由
高風當絕倚淺瀨亦徐收軋、微鳴曉戕、迥浸秋
隨灣掉轉尾避石掣開頭自有施功地何嘗厭下流
至日阻風飲于轉運行衙呈經父

杜渚停風棹華堂置酒壺雲低岳陽市雪滿洞庭湖
醉眼看梅蘂歡心合棣柎去年今夕夢江國面京都
和經父寄張績

解縱臯鳴啄鳳皇天心似此亦難詳但知斬馬憑孤
劍豈為摧車避太行得者折腰猶下列失之垂翅合
南翔不如長揖塵埃去同老逍遙物外鄉
半通官職萬人才卷蓄經綸未得開鸞鳳託策雖枳
棘神仙定籍已蓬萊但存漆室葵心在莫學荆山玉
淚哀倚伏萬端寧有定塞翁失馬尚歸來

和經父登黃鶴樓

複靄重沙望不窮坐收千里一樽中天邊江漢波濤
濶地下神仙窟定通窗影偷來湓浦白簷光飛入沔

地紅豁然已盡登臨興雲閣章亭謾在東

詠冰

厚薄因風結方圓隨器成黃河白馬渡大澤老狐行
暖曲流 液隅甃 水精皎然心一寸願比玉壺清

詠網

已向晴漪下還于晚架張鱗餘銀皎目帶淚浪
細入詩人詠輕隨釣叟裝結繩相效久遺象本歸藏

瑞香花

去年荆楚賞芳菲今歲江淮水渺瀰綠髮方當少壯

清江文集 卷之三
日清樽不負艷陽時風波此去猶千里桃杏何緣見
一枝獨有瑞香花兩檻遠將春色自相隨

李白祠堂

灑落風標真謫仙精神猶恐筆難傳文章若出斯人
手壯浪雄豪一自然

太白之精出李白詩中元帥酒家豪軒然媚目已如
此况着當年宮錦袍

雙頭牡丹

牡丹意態已無窮况是蓮房鬪淺紅曉色競開雙萼

上春光分占一枝中娥英窈窕臨湘浦姊妹輕盈倚
漢宮只為多嬌便相妬芳心相隔不相同

寄經父


借問東來常大晚富春亭下曦扁舟陰天漠漠行梅
雨寒色蕭蕭報麥秋曲渚浪平猶未渡隔江風緊不
勝愁此中學斷相思眼家在蓬萊更倚樓

選官圖口號

環合官圖展觀呼象子圓飛騰隨八赤推折在雙玄
已貴翻投裔將薨却上天須史文換武俄頃後馳先

錯雜賢愚品偏題造化權望移情欲脫患失膽俱懸
愠色觀三已豪心待九遷寧知即罷局榮辱兩茫然

三孔先生清江文集卷二十四



金部郎中孔平仲

毅父

律詩

熙寧四年中秋

月滿光尤好秋殷氣更清頻年苦陰雨此夜獨清明
後閣羅甥妹前堂合弟兄團圓最相稱盡飲至深更

和舍弟送行至密州

一覽鳳皇句况當鴻雁秋雲山回倦首煙雨上扁舟
土俗京東陋官居學舍幽蓬萊醉中夢尋我海邊州

清江文集 卷二十四 講習堂
次韵和常父發越州

北堂相送出城西，忍見臨分獨自歸。
日暮荒村一回首，秋風吹涕各沾衣。
水通鑑曲行將盡，山似稽陰認却非。
薄宦牽攀不得已，此心何以報春暉。

渡浙江未得

辭家已四日，三日雨兼風。
海水飛天上，江雲入坐中。
愁腸寒更結，歸夢濕難通。
未有淹留恨，封圻尚泐東。

西興

舟行頗濡滯，累日驛前溪。
大雨翻盆盡，狂風作鼓鼙。

西潮空早晚，一水限東西。
憶昔游湖棹，新晴傍會稽。
懷越

城隍壓高峻，樓觀抱青蒼。
東磴迎風細，西池引步長。
蓬萊山刻畫，清白水甘。
海內行幾半，茲游最不忘。
次韵和常父渡江寄經父

江風初息浪花低，軋；扁舟犯曉雞。
想得蓬萊秋睡覺，煖寒方索玉東西。

開新湖

湖應與梅接，歲暮水猶多。
淨色平蒼野，餘香積敗荷。

舟行依累石，鳧起散圓波。誰似魚翁樂，鳴榔作楚歌。
題清斯堂

河流與淮接，于此一堂成。水色已可愛，主人心更清。
魚潛晚日靜，柳落秋空明。本自無塵土，何須歌濯纓。
發山陽

黃昏飲官酒，半夜解扁舟。釣簾得清景，風月滿淮流。
天垂與波接，野靜更煙浮。深有乘槎興，銀河或可求。
送登州太守出城馬上作

匆：送客出城闔，霜意方高日。漸曛青嶂倚，空先有
雪黃沙匝。地半和雲旌，旗明滅隨車。遠鼓角悲涼，隔
水聞。正是無慘一回首，兩行白馬映紅裙。

呈夢錫節推林思永察推

崎嶇寒苦遠，騰裝喜得高才共。此方當以清談銷日
月，更將和氣敵冰霜。堂前絳帳慙容迹，幕下紅蓮幸
借香。閑夕肯來相伴否，小窗殘燭厭更長。

適值劉從道供奉往信陽鎮用前韻送之

君馬匆：赴信陽。雖云同郡似他方，村沙卷盡黃昏
日。海水吹成半夜霜。別恨不須青草色，歸期當及小

桃香開官冷局遠相望兩覺迢々歲月長君約春中還城下
夢錫同游賀園題詩云誰知清淡者冬月亦登

臨

寒景崢嶸歲已深誰知清淡亦登臨雨吹廢館苔添
暈霜落空城樹減陰向曉旋留題葉句隔年先有探
花心相期紅藥濃開日一醉東風費萬金

新作書室夢錫示詩羨其清坐

新闢西垣小室成開編靜得古人情崢嶸老柏寒尤
健窈窕幽窗雪更明我愧濫巾居此地君能傾蓋似

平生篇詩何必深相羨淶水芙蓉豈不清

呈幕客

夜雨曉未歇清寒侵客額雲昏天帶海風濶地無山
蓮幕君籌畫茅齋我閉關新書正多事何幸擁爐閑

寄後道

相逢苦不早相別又匆々祖席侵華燭征車傍北風
車斜酬唱闕爾汝笑談空遙想支頤處孤村海霧中
晚晴見雪呈夢錫

東北風聲急西南日景斜斷雲方散錦飛雪忽成花

見落初猶少量深久漸加遠天明映玉晴地濕團沙
浩蕩隨陰氣須臾變 華清輝迷粉蝶寒色帶昏鴉
又是流年暮同居滄海天涯寂寥求自遣小詠寄詩家

立春

春風不擇地亦到海邊城袞袞衣冠會喧喧鼓吹迎
為牛一何苦舉世盡相爭不容心偏靜停杯想耦耕

春雪

纔喜春風昨夜歸凌晨又見雪飄衣綴林似借梅花
落撲地爭先柳絮飛寒氣却迴侵暖律陰雲徐上蔽

晴暉近來四序

無主欲向東皇問是非

正月十四夜

都人行正樂天氣忽微陰盡恐明朝雪如何此夕心
輪蹄迷道遠鼓吹亂更深我獨甘幽靜青燈照苦吟

十五夜

今宵好元夕去歲大豐年委巷通車馬高臺奏管絃
燈光照人煖月色為時圓此樂真難得無辭酒滿船

十六夜

明夜更無今夜燈都人為此不勝情 皆隔歲期猶

遠共約追歡直到明君飲露臺春易醉我眠書館月
同清東風亦有相撩意夢覺猶傳絃筦教

春陽

春陽已出地冰雪尚崢嶸半作泥塗濕尤妨車馬行
溪流成小派海氣亂新晴湮鬱須披豁誰同上古城

古來

古來豪傑起大半在山東甚矣承平久蕭然武備空
封疆瀕北狄士卒戍西戎器械悟兒戲城隍駭土功
朝廷急掃敵草莽許輸忠元恨天門遠無由半策通

次韵和常父

卧龍當日醉吟身冷落天涯一旅人早夕思親增悵
望嘯歌懷古更愁辛角吹海上千山月草入江南萬
里春欲去尚留心未决夢魂長往越谿濱

赴官並出江湖上講學聯居海岱中會合尤嗟別離
促音書何似笑言同黃鸝度曲爭催曉紅杏薰香半
倚風景物佳時憶相見恨無雙翅逐飛鴻

寄常父

歷城未到已嘗聞文綵魚鹽市不貧千里山川齊故

地百年風俗舜遺民泉穀滑：長如雨海氣昏：說
得春北渚環波皆好景為兄詩筆長精神

春色最佳呈夢錫

小雨初收物象新日華徐上氣氤氳欲知春色最佳
處萬里青山無片雲

探遍名園花未紅高臺極目興何窮欲知春色最佳
處盡在綠楊深淺中

紅日遲：晝未央北窗高枕傲羲皇欲知春色最佳
處啼鳥一聲幽夢長

春閨六言

夢回紅玉孤枕日上真珠半簾雲彩陰晴不定柳梢
濃淡相兼鴈柱怨憑曲寄獸爐愁逐香添更倚危樓
目斷却訴東風淚沾

燕子舞開煙綠杜鵑題破花紅滿地夕陽芳草有時
細雨斜風錦帳尚寒夢短彩牋雖遠情通淚痕染在
襟上愁緒織向機中

登資聖閣

平時嘗仰望今日一登臨海岱封疆小乾坤氣象深

廢城增古意，疊嶂起詩心。遠目方馳騁，春雲還自陰。
上巳

上巳陪游騎城南，俯落暉溪山俱可愛。花木自相依，
佳節雖行樂他邦未得歸。蘭亭應禊飲，回首白雲飛。

八日

花下飲餘留晚轡，溪邊行處把春衫。東風作惡波微
起，不得移舟滴水巖。

寄常父

繚繞龍山半，府陰春來漂泊阻。登臨蓬萊閣，下花多

少清曠。亭前水淺深，暮靄漫天迷。望日東風絕，海送
歸心新。詩亦有思家意，應記當年共醉吟。

行香

枕上杜鵑啼，早起時出行。天未曉，月在杏花枝。

次韵和昌齡落梅

玉摧繁艷蕙，消香漸見園林綠。葉光莫謂春風少，情
思為君開徧萬紅芳。

登賀園高亭

東武名園數賀家，更于高處望春華。深紅淺白知多

少直到南山盡是花

戲促二幕客

寄語紅蓮幕當歌金縷衣探春曾有約今日已春歸

晝眠呈夢錫

百忙之際一閑身更有高眠可詫君春入四支濃似
酒風吹孤夢亂如雲諸生弦誦何妨靜滿席圖書不
廢勤向晚欠伸徐出戶落花簾外自紛

初食牂牁菜

九仙山中牂牁菜幾日春風長綠苗有客提携到深

巷自言采掇下青霄口嘗異味雖珍美目斷孤雲却
寂寥千里思親不獨飽慨然食罷一長謠

呈王子高殿丞

天上人間事不同相思何日却相逢芙蓉城在蓬萊
外海濶波深千萬重

接通判于邸氏園、人獻牡丹太守不收余私
取其絕好者以歸

薄暮歸來何所携牡丹初剪半開時濃香盛色俱堪
愛占得春風第一枝

兄長寄五詩依韵和寄詩各有所懷

憶昔西尋山下園芙蓉香裏醉頽然幽篁迸筍無餘
 地老木交陰不計年徹幕旋迎秦望雨汎杯旁引鑑
 湖泉舊游寂寞今誰到應有秋苔長綠錢懷西園
 昔同訪客到山陰馬上相隨不廢吟平視溪流綠煙
 遠回看府宅白雲深紛：落塵陪高 艷：浮蛆勸
 滿斟賓主如今各分散詩成長詠作吳音懷山陰館謂沈司封
 蓬萊彼此一閑身把酒臨風送晚春城邑萬家供氣
 象湖山千里助精神深村鳥語留連客野徑花香著

莫人今日天涯共怡悵歸心夜：轉車輪懷蓬萊閣

憶昔幽尋到井儀繁花落盡綠陰時雲迷步武多相

失風入襟懷只自知金斗倒垂交勸飲玉蟾分面各

題詩淋浪醉墨留西壁好事于今刻作碑懷井儀堂

昔尋小隱到王家早出歸時逼晚倚勝奕高亭弄紋

局擷芳深徑採新茶竹邊雲過陰相過蓮外風來氣

益嘉夜坐西堂有餘興解醒更進一銀瓜懷王家小隱莊：有

勝奕亭擷芳徑

郡聚

幕府多閑暇城臺避鬱蒸金杯揮落日銀椀嚼寒冰
老婦歌猶好雙鬟舞最能深宵紅燭短坐客醉忘興
正月七夜飲節之廨舍

草：杯盤具喧：笑語親浩歌回白雪醉眼失青春
梨粟無遺顆有羞屢乞隣頽然極樂際心迹兩俱泯

六月五日

灑汗通宵已廢眠起來猶覺眼生煙黃埃袞：人行
地赤氣騰：日出天紈扇急揮風亦熱銀瓶空掛井
無泉狂心于此思霜雪安得師文扣羽弦

喜雨上太守

曾佩金章禱象龍滂沱飛雨出無窮泰山吐霧連朝
暗東海驅波半夜空爽壓炎蒸民少病潤流枯涸歲
將豐黃堂下視相歡意助以袁宏一扇風

晚霽

夜雨百泉響晚晴風報秋雲歸青山去水入平川流
疫癘且不作稻梁行亦稠吾徒今則喜向者為民憂

雙門

崔嵬城闕倚雲端萬里天風襟袖間更有清涼無限

清江文集 卷二十四
意坐看飛雨出南山

送蔡充道赴密院召

彈劍常為猛虎吟，掃清夷虜丈夫心。
留海上煙花老，夢入塞垣冰雪深。
千里樞庭馳召節，幾年家府探歸音。
此行儻未封侯貴，一策猶能縮萬金。

寄常父

六月涼泉鼓似雨，千家脩竹勢凌雲。
齊州消灑共閑暇，洗耳清流對此君。

紅蓼最宜秋雨濕，綠槐無柰晚風吹。
向來不用憂煩

暑庭戶，清涼自有詩。

七月二十六日

蘄州小簟琴光枕，學館無人日午時。
睡 沉酣本避暑夢，展轉却添 條忽雲雷出。
天意清涼風雨報秋思，世間此味宜無比。
只說羲皇已自卑。

謝夢錫見臨

雪月交光夜正寒，何人相伴語更闌。
惟君枉駕時能慰，我幽居意解歡。
小僕施來螢火燭，病妻無力治盃盤。
清談已勸還觀史，冷淡相看不厭難。

送張通判

清若冰壺斷若金，常見恤民深。三年佐郡神明政，一旦歸朝父老心。遺愛海波無斷處，去思秋色有餘陰。臨行曲為留旬日，少慰攀轅淚滿襟。

西行

繚繞西行入亂山，白雲深處據征鞍。蒼花著雨相爭秀，棗類迎陽一半丹。鞅掌未能逃物役，乾坤何處託身安。芭臺東嚮情無限，那更秋風作暮寒。

荆林館

古木森然滿驛庭，繁陰凌亂月分明。千枝萬葉誰拘管，攪作秋風一片聲。

馬上

秋山剥棗熟，野水漚麻香。鳥倦投空木，蟬悲送夕陽。去程猶未幾，歸興一何長。應為西齋睡，踈慵不忘近究。

龜蒙山上泉如湧，白石河邊雨已流。喬木煙深迷故國，黃蘆風急戰高秋。新科一變人方銳，舊學都忘我可羞。驅馬遠來徒自苦，敢將衡鑑定三州。

毛陽

客路方投轡郵亭獨掩門無人共燈火秋雨更黃昏
次韻和張道濟長老立秋後作

萬里悄然若有霜南山秋色兩蒼蒼已經晚雨驅除
熱更得西風斷送涼瀚海人空雲弄白吳江波濶葉
吹黃知君昨夜書帷夢半在親庭半在鄉君蘇人親仰秦

飲夢錫官舍出文君西子小畫真

西施蘇小卓文君畫筆相傳窈窕真雖有金珠并粉
黛恨無笑語與精神一尊美酒留連客千載香魂著

莫人醉眼恍然迷不覺自慙心地尚埃塵

走筆

霽雪如泉滴荒城作阜遮買猿裝野景插柳待春華
終日開黃卷諸生望絳紗王官勸奔走何幸獨安家

又

種竹禁當雪栽花準擬春詩書最閑局寢食自由身
澗外音題數齊州問訊頻郵筒煩郡縣此外不干人

又

觸目方多事栖身獨此堂窓迎先得日簷送曉留霜

散漫皆書帙逍遙或道裝
墻東雖可隱林下未能忘
寄常父二首

欲和來詩、未就恍然心在歷
山陽寒燈一點靜相照
風霜打窗冬夜長

不得家書又幾朝
思親夢斷不堪招
欲歸每恨川途遠
天客空驚歲月消
雪意尚濃雲黯淡
角聲吹絕晚蕭條
相好惟有兄相近
回首特能慰寂寥

送董少卿

莊重邦之望
疏明衆所欽
守符頻掘虎
使節屢頒金
天子東州幸
時蒙卓蓋臨
名卿鎮以靜
循吏見于今
豈弟民無擾
廉隅俗不侵
清樽但談晏
和氣入謳吟
盛德推先進
高懷在直尋
兩忘兼寵辱
一笑寄浮沉
積雪留行色
朱輪挽去音
夢回雙闕表
愛結水棠陰
賤子非良器
經年託泮林
清暉瞻畫戟
諄誨俯華簪
與進恩尤厚
臨分戀最深
送公無外飾
終始古人心

哦亭

點陰花芽撥草根
深春終日在東園
煙筠冉冉陰相亂
燕雀啾啾語自繁
倚伏萬端寧有定
是非一致亦

清江文集 卷二十四 講習堂
何言誰能伴我哦亭上爛熳同斟濁酒樽

中和節

二月中和節海邊猶積陰風雷失春信霜雪損花心
挾纊誰能禦圍爐興愈深寒暄地氣 故國想如今

晨興

清閑薄體不成眠起步庭除思悄然正是雨晴寒食
夜杏花枝上月嬋娟

以事往齊州初發密

匆、行色犯晨雞起見荒坡落月低多謝使君相送

厚已將歌舞出城西

折柳亭

楊柳已藏鴉高亭望物華平時常送客此日自離家
別酒杯何滿征途日欲斜醉行三十里春思滿鶯花
里伏驛

去家一日已思家浩渺歸期未有涯滿眼春風最多
恨無言似笑小桃花

將至青州

磅礴西南萬疊山屈盤飛舞意相關天形地勢俱雄

壯人指青州在此間

青州席上

笙歌相引入東園二月青州花正繁銀幕四圍香獸
煖繡茵十幅舞靴翻游人見此心應樂野 頽然思
已煩向晚凭欄得瀟灑狂風吹雨出雲門

馬上小睡

夾路桃花眼自醉昏 不覺據鞍眠覺來已失初時
景流水青山忽滿前

王舍人莊

西出齊州似不遠晚留逆旅尚徘徊秦山一夜興雲
雨洗 流泉待我來

上魯子固

海邦窮僻想知音足馬春風入岱陰千里山川忘道
遠一門兄弟辱恩深發揚底滯先生德振拔崎嶇長
者心更以詩篇壯行色東歸勝挾萬黃金

和常父見寄

濟南風物稱閑官兄弟偕游意益歡幽圃水聲從地
涌盡橋山色逼人寒別來夢想猶相接他處塵埃不

之觀寂寞東齋又經夏落花新葉共誰看

呈夢錫

結綬本何意浩譔今欲歸從君卧病去使我出門希
燕領新雛出鷓盤落景飛何時起相見一笑兩忘機

銀河詠

江湖有客卧孤城每見銀河眼亦明萬里長風吹不
斷一番微雨洗尤清星辰白石參差亂雲氣飛梁條
忽生織女東西波浪隔夜寒天濶不勝情

學舍

簿領如棼處、忙日筆偏向此中長吟餘林表孤雲
改夢覺窗間小雨涼珮玉上趨承斗極棹歌深入釣
滄浪何如瀟灑詩書局不在山林不廟堂

風雨有秋色率然成小詩呈道濟長官

學館人歸靜若山久陰海濕上衣冠酣、雨意牽愁
遠颯、秋聲吹夢寒竹笋解色堆屋角蓼花抽蕙出
墻端此時最憶吳江上千頃煙波一釣竿

游田氏池亭

磅礴青山入望長古城東下見回塘雲陰更雜梧桐

影野氣仍連菡萏香久處塵埃思浣濯忽逢虛曠自
清涼主人華髮能談笑猶撫歸鞍恨夕陽

雨中戲夢錫

雲橫金嶺迷驅轍水溢沂河卷斷梁預祝愁霖貫秋
序留君行色到重陽

寄常父

秋風又搖落歷下意何如學館人歸後山城月上初
東西各引領咫尺但通書難共重陽醉黃花日向踈

白日

白日無所適况茲秋夜深青燈可自照缺月強相侵
糾纏觀時事崎嶇見俗心退藏無乃幸矍起捧吾襟
錢夢錫于折柳亭醉中倚柱

折柳亭邊柳已衰送行猶拘最高枝西風黃葉蕭
地多少傷心為別離

楊慎之著作孫正甫推官歐陽甫長官隨詔使
東來併會齋中

故人得會合况復有鄉閭靜失秋天幕幽忘海上居
留連且徹曉分散即如初笑語同燈火還思遠寄書

經社

經社無甘雨深秋已肅霜鋤犁心最切年來事尤妨
 比屋何緣飽天常固不常自吾來此土連歲見豐穰
 熙寧口號

日坐明堂講太平時聞深詔下青真數重遣使詢新
 法四面興師剪不庭

萬戶康寧五穀豐江淮相接至山東須知錫福由京
 邑天子新成太一宮

祗因落久紛、砥礪廉隅自聖君能使普天無賄
 賂此風曠古未嘗聞

近聞寇盜理戈爰 輸金入太爐百鍊剛刀斫西
 夏萬鈞強弩射單于

百姓命懸三尺法千秋誰恤兩端情近聞崇尚刑名
 學陛下之心乃好生

大風

不雨今已久北風還起埃穀塞海嶽動寒挾雪霜來
 落羽高千丈脩筠折幾板未應由虎嘯吾欲訟含雷

新霜

皎、寒月白清晨霜滿林萌芽至今日肅殺爾何心
入水成冰暈迷天作雪陰自茲開火閣却坐小窗深

寄常父

海上窮秋白日陰霜飈臘、稍相侵手持黃菊江南
意目送征鴻萬墓心每想清談真麗矚欲彈流水少
知意東山兄弟非難繼誰敢先為招隱吟

十月旦懷夢錫

去歲 爐郡中起芙蓉幕下醉相邀今年兩事俱蕭
索白日孤城轉寂寥綠飾新茶烹下鳳咨嗟名畫展

蒼鵬長篇蒿出依然在千里思君不可招

知郡姚駕部十月三日生日

冰為清潔玉為淳籍、名家第一人皂蓋已領東郡
政綵衣猶侍北堂親遐年此去隨長景和氣生來得
少春何以獻公今日壽仙山不朽海無津

寄板橋下進之主簿

以才牽挽自由身歲暮無家寄海濱擾、滿前人一
把紛、趨事抱千鈞風掀駝島波散壯雲倚蓬山雪
意新回首高城已搖落菊花羞逼小陽春

步日

步日問吾影汝何為此留天寒歲云暮他僻海之陬
涉世心彌壯逢人語或收蛟龍得雲雨千丈拔靈湫

寄蕭虛中

平川摻袂屢星霜楚尾畿東各一鄉安得便風傳訊
問只應明月共輝光茅齋夜出猶能記古觀秋吟最
不忘近日詩成無和者思君才俊似青楊

蜀夜

徘徊想思夜、長猶未眠出門還復入無語月空圓

晨雨

經秋久不雨既雨只紛紛氣入書帷煖聲從紙瓦聞
問人疑落霰出戶見行雲亭午全開霽青山遠可分

訪道濟

出門已晚鼓訪客傍西城無事詩書局相過僚友情
風來稍塵暗日落更寒生歸路逢燈火喧、馬屢驚

月夜

出戶憐清影循除擁敝裘霜寒方午夜月色似中秋
丹桂何常有娥為我留竹陰如薜畫更助眼前幽

清江文集 卷十四 講學堂
寄常父

台州與京邑中有泰山陰誰謂三隅遠長分一寸心
南陔戒已舊棠棣興 深思作團圓計囊無買舍金
再用前意

台州雲海濶梁苑雪天低地隔書來少心分夢去迷
惟兄最鄰近同路隔東西常欲投簪笏相招傍席溪

雨中

江南梅已熟塞北杏初黃颯：連朝雨蕭蕭：滿眼涼
海山陰不斷節物意何長生想蕭灘景煙波對渺茫

試墨

長夏人雖厭茲晨物所遭鳴蜩抱枝急新燕出巢高
衣葛寧嫌薄驅蚊亦憚勞時：得一雨蒸濕地生毛
有感時夢錫尋醫而思求免官

去歲城門坐徹晚前年火閣飯連宵當時已是嫌羈
束今日那堪轉寂寥綠水紅蓮非舊客清風明月想
同寮不知比我離高密誰向長亭拗柳條

久雨

一日三日雨：中有青天未能舒鬢鬢何苦弄潺湲

卷海長風水傾河白日邊泥鳴萬丸躍瓦破百繩穿
鳥雀深依舍蛟龍痛著鞭醉陰昏翠巘走濁亂青川
急灑隨奔電餘菲倚斷煙興居愁濕熱竹步阻流泉
閑僕衣為障看兒板作船稍移茶近火更帶添縣
僻陋無人迹幽閑足晝眠夢回聞點滴垂晚興蕭然

酬聶察推

昔年隨宦在筠陽總角頻趨數仞墻綠水近經王儉
府錦衣今見買臣卿能談舊事情何厚忽枉新詩味
更長里閭優游正多暇幸君時訪讀書堂

食冰

又見頒冰出曾看雪收清輝分積玉爽氣忽高秋
盡室雖同亭吾親獨異州淮南地卑濕安得代蘭羞
郡聚

促坐留賓醉傳呼放晚衙門庭少公事節物正秋華
齋釀新筍美官奴遠佳歸時雖落葉銀蠟照紅紗

陳宗聖縣丞往登州問有所幹以此託之

北望登州馬匹馳馳裘孤扇任風吹才聞使者方相
委事屬公家不敢辭聚落蕭條宿山縣波濤浩蕩瞰

天池煩君一上蓬萊閣歸說扶桑日出時

郡集

旋徹銀杯泛海螺故人相遇樂如何東西合作雙
舞工拙分為一一謔吹角共驚冬晷短添爐更覺晚
寒多不須苦鍊登州語大抵東音唯與阿

送段從道司戶

擾、東來又西去風霜甚薄勝 勞請君飲馬沂河
上徐看家山萬疊高

早陰

青女隨明月來時夜已深霜花結不就散作海天陰

寓目

修此年華晚蕭然學館幽常閑心却悶極靜景多愁
葉走堂階響雲依殿吻浮黃芽日西下戲犬在城頭
初雪即霽

紛、千里暗雪下海邊城方與冬為瑞如何晚即晴
竹枝微覺重瓦口未能平深夜庭前看尤添月色清
夜觀殘雪

墻陰留得雪爛斑 更深獨自看江上落梅人不

掃山頭明月夜初寒
清心直與神仙比
好景只應圖畫難
宇宙之中無一物
碧天如水靜漫

冬至日作

今宵當月滿此日又陽生
明淨乾坤氣歡和
井邑數年對佳節
慶樂昇平遙想京師盛
新宮太一迎

小酌

落日山城晚黃雲
雪意濃更須開一頻
醉送殘冬



